

OMUKUETU

No: 2.

Februari

1955.

ONDJILA JOSHILJA SHA GUILLE MEVI.
Joh. 12:20- 33.

Osondaha jompito jeidiliko

Nando Etestamenti Ekulu lja hunganeke, Messias ta ka peua aapagani uo uuciga ue (Ps 2), Jesus muene ina ka uuvicila aapagani, je no ina tuma ko aalongua je. Okua ti nokuli: „Ongame inandi tuminua aantu jalue, oonzi doka da kana domegumbo lja Israel odo adike.” (Mat 15:24). Oteksti ndjika taji hoko'ola omasiku gahugunina ga Jesus necimbo ljaapagani lja heda popepi. Aapagani aagreka aanandunge, ja li po ja hala okumona Jesus. Itaku tiua Jesus e ja kundu, aue. Ihe moku ja tala okua mono, uujuni auhe uaapagani ua juulukua okumona Omuhupici, nando ouo uene inau shi tseja. Na hasho shoka ashike, okua mono uo ouo nkene tau ka mona ehupico. „Ongame nge tandi jelucua mevi, ajehe tandi ja hiii ku ngare.” Ota ka peua shili aapagani uuciga, ihe oje e noku ja ilandela nuudigu lilonga je ajihe iuanaua niilongankondo je niinjengandunge ajihe nomauvico omanankondo inanga guana, aue. Omukuni guevangeli ljoshilongo shegulu okua li e nokuninga je muene ombuto. „Oshilja ngele itashi guile mevi no itashi sile mo, otashi ikalele ashike, ihe ngele tashi sile mo, otashi vala iilja ojindji. Ihe ongoka ta ningi ombuto je muene, oje a fa ta tondo omuenjo gue muene.

Ihe okukalamuenjo kua Jesus osho kua li akuhe, okuza kokovalua kue sigo okua momushigakano, ihe unene omasiku ge ga hugunina.

Ando oje i idiladila je muene, ando okui ihogololele ondjila jesimano no joonkondo dokupangela, ngashi omutondadi a jelekele oku mu hongolola na ngashi aprofeti nokuli ja li ja hunganeke, kutje, Messias ta ka kala Omukuaniiua e nesimano enenenene. Ando ngeji andola oje okui ikalele ashike, ando okuholoka kue kombanda jevi osima.

Ihe sho kua hogolola ondjila jeso no jonakuhepekua nomuvuntu nomudinua, okukalamuenjo kue kui imi iijimati kaji shi kujalulua ehupico lja ningi ljaantu ajehe taje li taamba.

Ihe tala u tale uudigu uondjila ndjo mpoka u cike! Moku u diladila nokuli Jesus ta tukuluka mombepo je, ngashi komeho mu Getsemane, nokacimbo a hala a hupicuz mondjila ndjo jeso. Ihe a ningi omusindani. Nesindano ndjo olja ningi ljetu.

Evangeli lja ciki no kutse uo, no lja fa lja taambua uo kojendji. Ihe aalanduli ja Jesus shili oje li po jangapi? „Nkoka ndi li nomuntu guandje oko ta ka kala” Mboka haa landula Onzigona shaa mpoka ta ji oje li peni? Kaje shi ojendji, oja pumba. Hatse tuu mboka tu hoole omuenjo, tua tila omasheko nomahepeko nokudinua? Jesus ta ti omuntu kuatjangeji ta kanica po omuenjo gue. Nokukalamuenjo kue kaku nejambeko, inaku iima sha. Omukriste ngiika te shi kuminua. Oshiholekua shejambeko



Oshilja sha mene tuu?

osha holekua omeho getu: Otse nge tua hala okuiima iijimati, inashi guana, tse tu kale aakuni jevangeli ashike, ngele megumbo nenge moskola megongalo aue, otse tu nokuninga ombuto, tse jene, oshilja tashi guile e tashi sile mo. Okutonda omuenjo gue, okuidimbika je muene, okudiladila jalue nokuidimbua je muene. Diladila shoka tashi ti mokukala kuoje ando maandjeni esiku kehe! To kongo uuanaua uoje nenge uomukueni? Ho igandja muupjakadi no muudigu omolu .oojakueni? Oua diladila nando lumue u se mu ngoje muene? Ecimbo nd'ka li li pokutameka ngashingeji e tali tetekele ejumuko lja Jesus tali icanua eidiliko. Ongoje to idilike shike andola? Aakatoli haa idilike iikulja. Otse aevangeli tua peua oshindji tu ja vule, tua peua oshingoli shevangeli. Otua guana shili okuidilika, ha ecimbo ndika alike, ihe ngashi Jesus a ti, kehe tuu esiku okuidilika uulunde kehe.

Omuketu, nge tua hala shili okuidilika uulunde noondjigilile detu oombuinaji nokuidimbika tse jene, otatu ka dimbulu uunjengui uetu. Ihe ino diladila, tse tu uape okuipopila nauo, ngashi haku tiua oluindji: „Ongame omunjengui, kandi na sho te vulu,” nomuntu ti itala oje a guana a pua, sho a hempulula uunkundi ue! Aue. Uunkundi uetu nau tu hepeke momuenjo, ouo nau tu cindile pevi poompadi dOmukulili, ongoka ina tinda okuninga oshilja sha guile mevi no sha sile mo. Pokuma mpoka, muujelele ue, tatu ki idimbulu shili, ha uunjengui uetu auke ihe onjata ajihe jomuenjo. Ihe otse aakani naapangulua, tatu ka uva uo oohapu dOmumangululi: „Ongame nda jelucua mevi omuluoje. Omupanguli guujuni mbuka oku umbilua pondje. Ongoje oguandje.” Muje amuke omuntu omukulu ta dipagua nomupe ta palucua, nangoje uo to ningi ombuto, naantu jomaandjeni nenge momukunda gueni taa tedululicua, naapagani aape taa guedelua muuciga uOmuguaakua guOmuaa. Onzigona a dipagua a guana okupandulua!

JESUS OMUKULILI.

1. Jesus, ngoj'Omumangululi. ue tu sile, ngashi tu li, no ua zala shekoshani peha ljangje ngu omukani. Kuaca ndje ndi pandule!
2. Lago ndjoka kali hulu ue li cigi po megulu, no ua taamb'omushigakano tse tuua ningine mekano. Ngoj'ua ning'Omuhupici.
3. 'Hoole joj'onene shili jokuhoool'aapundukili. Otse tuu ua hepekelua, oondjo det'ua dipagelua, Ngoje ngu, Onzigona.
4. Oondjo dand'oonene ano De ku pe omushigakano. Akutu, omuenjo guandje, nkene u li po ua suunje oku mu hambelelela.
5. Okoompadi doj'te lili no te galikana shili: Jesus, aadimicila ndje 'hoole joj'momuenjo guandje, nkene Ngoj'ua sile ndje.
6. Ngash'ongala tandi ganja, ihe ndi li po kemanja ndjo ljaaluhe, ihe tila nando okuja mombila, Jesus nge to koleke.
7. Huka ndi li po omujenda no komushigakanohenda tandi nuka omegulu ndjenda dika sho da hulu, oko to ka fala ndje.

Jesus, Vapahtaja Sulle.

S.V.K. 65b.

Omukuetu Februarie

ENONGELO NOSHIGUANA.

Efudo ele sho lja piti ooskola detu tadi egulula isheue omijelo dado. Aanongeki naalongua taa tameke iilonga jauo. Omumvo omupe tagu eta oshike? Otseni atuheni tu na epulo ndika.

Naale tua li tu noshigongi shaanongeki mOniipa. Tua njanjudua shili kehalo euanaua ljaalongi ljokuhumica ooskola detu komeho. Aalongua aape taa ji mooskola nediladilo ndika uo: Nda hala okuhuma komeho, otandi ji moskola. Oljo ehalo euanaua.

Omumvo gua ji mooskola detu mua li mu naalongua ojendji je vule 20000. Tashi ti ngiini? 1/4 nenge 1/5 maakuanegongalo ajehe ja li mooskola; nenge 1/10 moshiguana shaauambo. Osho shili oshinima shenjanju.

Otua tseja naua, aakadona naamati taa kala mooskola, otaa nongekua iinima ojindji: onjalu, nuukalinaua, noku o gepja csho nosto. Otaa nongekua uo elika epe ljeanzelo, oshinburu; noshinima shi vule ajihe, taa nongekua oohapu dOmuua, noku-lesha, nokunjota. Tu shi tumbuleni noshitja shimu: Aanona taa humu komeho. - Aanona ojo oshiguana shongula. - Oosko'a tadi kuaca aakuluntu meputudo ljaanona ja ninge oshiguana oshuanaua.

Ihe aanona jaaambo ajehe itaa mono ompito okuja moskola. Ooskola di li po oonshona; tua pumbua ooskola oompe naalongi aape. Epangelo ljetu lja mono oluhepo uetu. Otatu tegelele tu peue ooskola oompe omumvo nguka uo. Pamue otatu mono numvo nokuli iinima iipe.

Ihe ekuaco euanaua li vule agehe oljo ljopopepi. Tu ikufaceni otse jene. Aakuluntu je nokutala aanona ja mone ompito jokuja koskola. Aanona naa kambadale okukala moskola nuudiginini, nosho tuu aalongi ajehe. Oshinima shika shi noshilonga.

Tu gongeni uo iimaliua naatungi joo-ngulu oompe. Itashi vulika okutegelela ekuaco, ngele otse jene, inatu hala okulonga.

Okutunza ongulu taku pula iilonga ojindji. Nosho tuu oshinima sheputudo. Tu kaleni ano momagalikano opolu oshinima shika. Aaroma aakulu nokuli je tu ukule ondjila ombuanaua: LONGA NOKUGALIKANA.



EPUKULULO

Amuhe mboka hamu umbu omashungu geni mua hala ga je kUushimba otamu tsejicilua ngeji, Shangela tango omuntu ngoka ua hala u mu tumine omashungu opo u pule ngele e nehala opo u umbe naua.

Ope na ojendji mboka ju umbu ouala jo inaa pula. Omashungu ngono ngele onde ga ecele kombeleua uusama oua lje? Koto-keni ano mu pule tango opo ihe mu umbe. Elifas Simeon

UUKRISTE UO MOUAMBO.

Uukriste uo mOuambo oua tja ngiini? Uukriste uo mOuambo ou li pakutseja kuauambo nkene ja tseja oohapu da Kalunga.

Petamekolela, aatumua ja li haa kambada'a shili okulonga naua aantu oohapu da Kalunga, ecimbo eleleka, manga inaa je ja shasha. Ngashi aatumua jotango oja longo aaambo oohapu da Kalunga okutameka momumvo 1870 sigo komumvo 1882; Omvula adihe 12 otaa longo ashike inaa shasha nando gumue. Nonando oondjuulukue dokumona o nukriste omuambo oda li de ja kama shii uusiku nomutenja, oji ididimikile ngaa oondjuulukue doka ecimbo ljoonvula 12. Omumvo 1883 opo aatumua ja makele enjanju ndjoka ljokutala egongalo li na aakriste jahamano ajeke konima jilonga jelongo ljoonvula 13.

Momacimbo geulumo, omumvo kehe pua shashua omacele gaantu ja longua iuike jimue ajike.

Momumvo kehe momagongalo go mOuambo mue ja aalumentu ja shashelua kUushimba, ojendji jo mu jo inaa mona ecimbo ljokulongua oondunge duukriste, ja pukululua ashike kaamati aakuauo, je ja longo okutseja oondanda nokuhokolola "OONDANDA" no ja shashua.

Sho pua dimbululua mokuka'a kuaakriste epuko ndino ljetu enenenene ljaalongi jo mOuambo naasita naakuluntu jomagongalo, ljokufala aantu meshasho ejapuki inaa tseja oohapu da Kalunga no kaa uvite ko uukriste oshike, opua holoka ihe omaipulapulo; Ota nokuninga ngiini ngashingeji?

Epangelongerki lja kambadala okuucila omagongalo iilonga nomacimbo noondjele do'utsseja, manga aantu inaa peua omapitiki-ko gokushashua nokukolekua.

Epangelongerki olja tokola uo nokutja: NOKUUSHIMBA UO, aaambo mboka ja hala oku ka kala momagongalo go kOuambo ITAA ULUMA UE OKUISHASHICA, manga inaa tseja oondunge duukriste da hololua momambo ga tumbulua mombapila ja Superintendent B. Eriksson, e ji njolele Superintendent omukuauo H. K. Diehl ku Windhoek. Uunene oondunge dOkatekisa no domahokololo taga holola oombinga di

ENONGELO.

Kunongekua kuetu kua tamek'ihe, Aanona aashona taa hambelele Kalunga kashili, tu mu inekele, Otate megulu tu mu simaneke.

OJesus, okuume tu diginina. Aanona aamuoje tu siikilila. Eputudo ljetu l'opaleka uo, Oondunge oonkulu di shituke po.

Menongelo ljetu tua holokele, Oohapu da Jesus tu tsejicilue, Uujelele mbuno Uoohapu tuu do Moomuenjo daajehe u jelele mo.

Otate megulu, oshili oje, Ohoole nohenda onene oje. Tui imonene Jesus, Je Kristus Omuaa, Menongelo tu uve oje tuu Omuaa.

AALANDICI JOMUKETU KONDJENI NATANGO.

ili no di ili dehupico.

Aalongi jo kUushimba mboka taa longo aaambo moosko'a deshasho ne dekoleko naa indile aahongi jauo omauuco ngoka ge li komukuluntu gua Rheinische Mission ku Windhoek.

Otu shi shi aamati jo kUushimba omacimbo gauo oge li miikaha jaahona jauo, no je nokuvulika koompango daahona jauo. Ihe,

Otu shi shi uo, oompango adihe domuhona guetueni omunenene Kalunga ka shili, ngele aamati jetu jo kUushimba inaje di longua shili naua, itaa ka lueda okupogola ku Kalunga oluindjilindji nokuli, sigo taa ka kanica cilucilu uukuaneongalo uauo.

Omuaa Jesus ngoka a ti: Mu ja longe okudiginina ajihe mbjoka nde ji mu lombuele. Oje a ti uo: „Nomuenjo gualuhe oguo tuu nguka, oje je ku tseje. Ongoje Kalunga auike gua shili, na Nguka ue mu tuma, Jesus Kristus.” Joh. 17: 3.

Aalongi atuhe tu nokuikonakona mujelele uoohapu' di: 1Kor. 2; oversi 10-16.

L. Auala.

OOMBUITI AADIGININI JUUKRISTE

Omadina gauo sho ga njolelua mooramata domagongalo go kUushimba otatu shi njanjukilua uunenehene. Uunene tatu njanjukilua mboka je li po aluhe aadiginini momagongalo ngejaka pamue naakriste aakuauo aahereho.

Ihe ombuiti ngoka a hala edina lje li kale hali jalulua isheue omumvo kehe momagongalo go kOuambo je kee ko, otatu mu pukulula ngeji kutja: Uukuaneongalo ouo uukumue uoitaali ajehe uopambepo. Kokutja: nonando edina ljeandje kali mo momambo go momagongalo go mu Deutschland, onkene tuu oitaali jo ku Deutschland ojo aamuamelela mu Kristus, otse na jo egongalo limue lja Kristus. Ihe edina ljeandje osho oshinima shi ili, oljo oli nokukala ashike momambo gegongalo ndjoka handi gongala aluhe pamue na ljo, moka handi jakulua no handi li jakula uo. Omo amuke.

Ngele pu na ano oombuiti mboka oonumeri dauo hadi jalulua luaali momagongalo gopaali naa opaleke oshinima shika. Ja jalulilue aluhe mpoka je li.


„Uukuashilongo uetu otu u na megulu, moka tua tegelela mo Omuaa Jesus Kristus, e tu hupice.” Fil. 3:20.

L. Auala.



Menongelo omu na uo omanjanju ogendji.

OSHIKOLOLO SHOMEGUMBO



EUVACANO LJAAPUTUDI.

„Omusamane gumue omukriste a ti: „Aanona ojo uujamba u vule uujamba auhe ui ili, oshoka aanona omuntu ta vulu oku ja mona nomegulu uo. Uujamba ulue auhe omuntu e noku u ciga po, ecimbo ljetembu lje nge lja cikana.”

Oohapu doka da shili. Aanona ojo uujamba uunenenene u vule uujamba auhe. Aakuluntu jaanona nando ja kale je noluhopo luinima jopajuni mbuka, je li po aajamba je vule mboka kaje nolualo nando ja kale je noongombe omajovi. Ihe hajehe taa diladila ngeji. Ope naasamane mboka je eca eputudo ljaana jauo, nando oongombe dauo taje di sile oshimpuju. Ope naakulukadi mboka taa diginine naua uunona uushona, ihe nge ua koko, iituci ji ili no ji ili ji ja vulile okukala paanona noku ja tonatela. Ando aakuluntu ja dimbulukue, ojo ja peua oshilonga oshinene, sho ja peua osholonga shaaputudi. Oshilonga shoka tashi pula ohoole ojindji noondunge noonkondo odindji. Ngoka a diladila oje a guana a kale omuputudi, kee na mpoka ta ningi omuputudi omuanaua. Ihe ngoka ti indile Omuaa Kalunga meifupipiko, a peue ohoole noondunge noonkondo, oje ta ka mona ejambeko moshilonga she shokuputuda.

Mpaka tu nokudimbulukua oshinima shimue: Eputudo oljo oshilonga shaakuluntu ajehe jaali. Ojo ajehe jaali, omusamane nomukulukadi, je nokusila olualo luauo oshimpuju. Ojo ajehe jaali je nokulonga

aanona omikalo omuanaua. Noshu uo ojo ajehe jaali je nokugeela omunona ngoka a jono. Omukulukadi ngoka ta popile omunona ngo a jono nokutja, oje ezimo lja jina auike, kee shi kugumua kuhe, te etele omuuana oshiponga shopamuenjo. Kombinga onkuauo, omusamane ngoka ta denge omuuana nondjahi, ite mu etele oshiponga shopalutu ashike, aue, oshopamuenjo uo. Omunona e noku shi tseja, aakuluntu ajehe jaali taa lalakanene uuanaua ue nojo ajehe jaali taje mu geele, nge a jono. Omunona e nokulongua megumbo nokuli, kutja, okujona taku landulua kegeelo. Ngele aakuluntu taa diladila „kape na mbudi,” nando omunona a jono esiku limue ta ningi omukolokoshi, nge a koko.

Aakuluntu je nokukotoka, iiponga mbjoka taje ji pe aanona, jaa kondjicane. Ngele jina a lombuele emunona a longe oshilonga shontumba, he e nokutegelela sigo. oshilonga shoka sha longua, manga inaa pa omunona oshilonga shi ili. Ngele he i indike sha, na jina uo e noku shi indika. Ngele omadiladilo gauo inaga tsa kumue, je nokuuvacana muuike, manga inaa lombuela omunona shoka e noku shi ninga. Esiku limue omunona a hala oku ka menekela megumbo ljonfumba. Jina te shi zimine, ihe he ine shi hala, oshoka megumbo ndjo mu nomuntu gumue kee nomikalo. Inashi opala, aakuluntu ja kundacane oshinima shoka manga omunona e li pujo. Oshinima shoka je noku shi kundacana noku shi tokola muuike. Omunona nge tu uvu etokolo, ku shi shi etokolo ndjo lja zi maakuluntu ajehe jaali, noku li

kondjica kaku nekuaco lja sha.

Ope noshinima shimue tashi nkundi-paleke eputudo ljaanona miilongo mbika jaaambo. Omusamane sho ta ka longa kuUshimba, omukulukadi ta mono shili uudigu mokuputuda olualo luauo, oje auike. Ihe pecimbo ljomafudo aasamane je nokuninga ashihe shoka taje shi vulu opo ja pupaleke oshilonga shaakulukadi shomeputudo. Omusamane ngoka ha kuu-tumba aluhe paashiinda pecimbo lgefudo lja, ta kanica ekuatacano noojana. Oje e nokukala megumbo nokulonga iilonga jomegumbo pamue naanona. Oje e nokukundacana najo nokuilonga okutseja shoka shi li moomuenjo dauo. Oje e nokuhungila najo noku ja longa okutseja oohapu da Kulunga nehalo lje. Ngele te shi ningi ekuatacano pokati kauo naanona itali teka po, nando a longe kuUshimba omacimbo gu ucua.

Aanandunge aanene mefatulo taa ti, omunona a pumbua unene euvito ndjo, oje e li megameno. Ngele oje e nokutula iinima ji ili no ji ili pecimbo ljuunona ue, ita vulu okuhuma komeho nokuninga



omuntu a kola pamuenjo nopalutu. Okanona okashona ke neuvito ndjo, kutja, ke li megameno, sho ke li modikua ja jina. Jina e li popepi nako, onke ano inaka pumbua okutula sha. Ihe aanona mboka ja koko, najo uo taa pumbua euvito ndjo, je li megameno. Onaua, aakuluntu nge taje ja tsejicile, je li megameno lja tate Kalunga. Ihe omunona, omushon, kee uviteko oshinima shoka, ngele kee na euvito ndjo, oje e li megameno ljaakuluntu je uo. Ngele aakuluntu je kaje na euvacano, ngele e nokupulakena oohapu oombuinaji doontamanana, uumbanda tau li oonkondo de dopalutu nodopamuenjo uo. Ihe ngele aakuluntu je taje mu putuda neuvacano, no ngele megumbo ljaandjauo tamu pangele ohoole nombili, oje ta ka huma naua komeho no ta ningi ihe omuntu omunamikalo ngoka e shi kunjanjuda aakuluntu je nokulongicua kOmua Kalunga.



OUNJUNI TAU TONGOSHIKE

UNION.

„Eerste Minister Dr. D. F. Malan het aigtreee.”

Osho ngaha oifo ja Suid-Afrika ja he-paulula. Kokutja onuhona a kala omuuliki uomalenga vomepangelo la Union oje a fia po oilonga ajishe jokupangela oshilongo osheshi je a kulupa nokuli. oje kua tuakanifa omido 80. Otie obatu nu halele etuluruko liua nenangeko noupuna la Kalunga opo a mone omafiku maua moulukulupe uaje.

J. G. Strijdom

kua hoololua pchele ja Malan opo a ninge elenga omukuluŋu nomuuliki uomalenga vomepangelo. Oje ta ifanua hano eerste minister.

Omuhona A. J. R. van Rhijn, ou a li naale Administrator mu Suidwes-Afrika ndele kua li nokuli elenga mepangelo lomuhona Malan, okua kala jo mepangelo lomapa ndele kua ningi omuminister uoiniue joshilongo.

Eerste Minister Churchill

uomuEngland oje kua tuakanifa jo omido daje 80 novaŋu vomuEngland ove mu turbine efiku olo oinima ihapu ji lili no ji lili ja ninga oshali sha kula.

Oshongalele shovakriste

sha ongalele ku Johannesburg mu Desember. Omo mua ongalele ovakriste va dja moilongo ji lili no ji lili. Omua hangika ovatiliane 113 novalaule 59 va dile

meengereki neehanganotumo 42 Oshongalele osho sha popfua komuhona uokombada (Generalgouverneur) E. G. Jansen nomuhona ou a njakukua eshi a mona ovakriste va ongala oshongalele sha tja ngaha opo va kundafane ndele va kendabale okutokola oinima ajishe idju jomu Suid-Afrika paurkriste ua jela.

Mu Port Elisabeth

mua huama omudilo ua kula ua huika po cmaumbo ovaŋu va koja 60 nemona lavo lihapu la pja po ngaa ile la vakua po kovalunga novanjeki. Ovalunga ava va tja ngaha eshi va kuatua ova hala okufaduka po ndele ne va tuua ile va jashua. Ovamue ve nokutua'ua kuhospital nokuli.

Ovaisrael novaarabia

Ve noupjakadi alushe pengaba javo osheshi onaululi ojo taji tukula oshilando sha Jerusalem pokati. Cmatiku aa pua holoka vaali oluodi ponaululi ojo ndele ovaarabia vamue va jashua ndele vamue va tja. Ngeno pu udafane nava oshilando sha Jerusalem shi kale meshilengo shovaisrael ngenonee oupjakadi aushe u pue po ndele ne ovaarabia hano ovakuamuhamed inave shi hala.

SUIDWES-AFRIKA

Oshingolodo sha monika popepi nOutjo.

Okudja kOutjo eemeila 130 luo kuu-ninginino kua monika edu nomamanja muo mu noshingolodo. Cvakonakoni tava koneke paima oshingolodo osho shi fike peni? Ngenge tashi monika shihapu mbela efiku

limue taku dikua omina jimue vaali.

Omuambo kua ningilua oningo mu Windhoek.

Omuambo umue edina laje Kleopas kua longa eedula 30 oilonga jokutonatela oinima joskola jcvarduisi nu Windhoek (Deutsche Privatschule). Oje kua longa mokombifa ro moluumbo. Oje oje kua kuafa ovalongi rovalongua alushe. E hoque oku va jakula ncku va kalela ncudiinini. Onge hano ovaŋu vahapu ve mu shiiva ava va kala momido edi 30 moskola ojo. Ovo tuu ovo va hala okuhaffa Kleopas efiku olo una kua tuakanifa omido daje domejakulo. Opua holoka ovakuluŋu voskola nomuuliki uoskola noshò jo ovalongi vajo ndele va etela Kleopas oshali ndele ve mu ningile ngaa oitendele ihaji dimbiua' po. Kleopas a hafa ndele ovaŋu venja aveshe e va jakula lihapu ovo jo va hafa pamue naje. Osho ngaha cudiinini ua mona epandulo la kula. Efanò nokuli la Kleopas la hangika moshifo shovanduisi „Allgemeine Zeitung”. Ijaloo, Kleopas, „Omukuetu” jo tashi ku halele ehafo nenangeko noupuna la Kalunga. Tuikila ngashi ua hovela ndele ua diinina fio paima!

David Livingstone


Opomafiku aa pua pita eedula 100 David Livingstone eshi a tauluka edu lafrika alushe. Oje kua dja komuŋgulo uokoushilo ndele kua tauluka ombuua Kalahari ndele kua fika komuŋgulo uokou-ninginino komukunda tau ifanua Loanda. Ka kua li naale nando omuŋu umue ou a enda ngeno ondjila ei ile neengono. Ahoue, oje tuu uotetetete. Hano ku Loanda a fika ko pehulilo lomudo 1854.

Okua tumua ku Afrika kehangano-tumo la London (mu England) opo a uudifile ovalaule evangeli. Osho kua ningi eedula dimue mu Betschuanaland omo a hokana omukadona uomuhongi Moffat. Ndele ina kala ko efimbo lile. Oje kua djuulukua okumona ovaŋu ava ve li mu Afrika lomokati pomilonga nomomakuti a kula. Osho ngaha kua hovela okuendaenda ndele kua uudifa. Ndele ne Livingstone eshi a endaenda ngaha keembinga adishe, ehanganotumo la London le mu konda mo moshilonga shaje. Ovakuluŋu venja va ti oshilonga sha tja ngaha kashi fi oshilonga shetumo. Ndele ne Livingstone kua tuikila ne oluendo luaje. Oje kua uudifa, oje kua koudjifa ovakuati vovalaula eshi va tuala ovalaule moupika. Livingstone kua hala okuudifila ovaŋu evangeli lehupifo ndele a hala jo omuŋu a mangelulue moupika. Eshi a kokolela evangeli ondjila mu Afrika lomokati oje kua hala jo omuŋu omuudifilua a mangelulue koupika ndele a longue moinima oikuadu no jokolutu. Ngashi omu-ŋu e na omepo e na jo olutu, hano eembinga odo adishe mbali di nokuehenifua komesho. Oje kua fa Johannes Omushashi ou a kala mombuua oje ondaka haji ingida: Paleni omalila ouhamba ua Kalunga opo u shiive okuuja. Ovamue aveke ve uudite eshi Livingstone ta ti ndele ne vahapu ve mu dina ndele ve mu tala oje omuendauli ile epongo longaho.

Etsikilo kep. 8

jomuhona A. Beukes oomaila 155 okuza pOutjo.

Uit die Suidwester Windhoek.



Esiku limue ondjamba ojo kuume.

OMUAMBO A DIPAGUA KONDJAMBA POUTJO.

Ongulohi jOkrisimesa ondjamba ja dipaga omuambo. Oje okua li te ende e ti itsu mujo, ihe sho a faduka po ondjamba oje mu tida no je mu kuata e taji mu kookolola kombanda jomamanja no jomuiidi e taji mu ljata sigo a si.

Omuambo nguka okua li a kala moshipondoka kokule negumbo ljomuhona gue uule uonkatu ando 1,000 okua li ta ji a ka talele po jakuauo poofaalama dopuushiinda, no kui itsu mondjamba. Ondjamba ndjika oja kala haji endaenda poofaalama mpoka omumvo nguka oshoka oja monika oluindji.

Aapolisi sho ja konakona oshiponga shika, oja dimbulula, kutja oje okua li e ende oonkatu omilongo 90, okuza pongulu je no kui itsu mondjamba ndjoka. Aapolisi oja ada mpoka a dipagelua kondjamba ejemele lje noongaku de nodimbo je. Ondjamba oja li je mu undula uule uonkatu omulongo kombanda jomamanja, omutse gue nontulo kua li ja njanjagulua naji.

Aapolisi oja diladila pamue omolu omulilo omunene gua li gua tema poshipondoka she, okua tsika ngeji onke moku enda okui itsu ouala mondjamba ndjoka. Oojakuauo jopuushiinda oja li ju uuvu ondjamba taji kaluluka noonkondo, no ju uuvu omuntu ta kugile ekuaco.

Oshiponga shika osha ningua pofalama

! Omuleshi !

**guoshifo shika
shetu, mokuko-
ngela Omukuetu
aaleshi aape to ja-
mbula oshiguana
shoje. Ngele to
landica nando
oshifo shimue,
osho ekuaco ene-
ne nokuli.**

Kundua k'Omukuetu.



mOniimuandi:	
Ester ja Karl a si	21. 9. 54
Aina ja Mateus a si	31. 10. 54
Eliakim ja Paulus a si	4. 11. 54
Leevi ja Shivolo a si	8. 11. 54
Dorotea j'Absalom a si	9. 11. 54
Petrus ja Jonas a si	23. 11. 54
Salomo ja Haufiku a si	10. 12. 54
mOnguediva:	
Mateus ja Ndjamba a si	20. 12. 54.
Monika ja Paulus a si	9. 1. 55.
Emilia ja Lisako a si	20. 12. 54.
David ja Naunjango a si	21. 1. 55.
Toini ja Kautondokua a si	7. 12. 54

AAPAPUDUKI AAUAMBO JA NINGI- LUA OSHIGONGI SHAUO.

Pehulilo lja Desember 1954 aauiliki joongundu depapuduko mOuambo oja hijilue ja gongale moshigongi shauo mu Elim. Nohajo ajeke aue, naapapuduki orendji jomomagongalo nga oje ja uo paimue naauili liki jayo: jomu Elim, jomOniimuandi, jokOshakati jokUukualuudi jokUukolonkadi jomOmbalantu jomOkalongo jokOngenga jokEndola jokEngela jokEdundja jokOndobe jokEenhana nojokOhalushu, naasitagongalo jamue uo.

Oshigongi shika osha ningua omasiku gaali. Sha tameke eti 31 Desember sigo 2 lja Januari 1955.

Ediladilo enene lje shi gongalica oljondi: Uukumue, ehanganu ljuumuajinacana ekuatacano mekonduo limue. Epukululacano netsacano lomukumo.

Ongundu ndjika oja hala ji kale jimue ngashi Omuaa Jesus te ji galikanene megalikaneno enene ljuusaseri noljahuginana kombanda jevi Joh.17:21.

Aapapuduki ja kumagidua ojo je nokukala ja papuduka miinima ajihe. Ojo oja peua oohapu odindji dOmuaa. Jamue oja papudukulula nokuli moshigongi moka. Pua hololua uo etameko ljepapuduko nkee mua li oshipong she etua mo komutondi satana. Omuaa Kalunga komegulu nOmuaana omuhoolike Jesus Kristus sho ja tumu pecimbo limue omvula onene ombuanaua, omutondi okua tumu embepo enene ljokupundula iilja iuanaua ja valicua iijimati iuanaua komvula jOmbepo Ondjapuki. Nomolua shoka aapapuduki iilja ja Jesus otaji pumbua shili aauiliki aalumentulela ja papuduka, opo ja pendule po iilja jOmukulili ja pundulilua po komutondi taji lika kuuhua, taji ljatua taji ndjandjalua naji kuudila notaji hokua kuudidi. Aauiliki mbaka itaa zi maanongo nenge maashiukile ojo naa kale omagoja ga Kristus aalumentu - mboka je niue kOmbepo.

Oonkundacana onene da li mo odo dika: (1) Oondjokana daapapuduki. (2) Epapuduko otali taandele tuu? (3) Ekuacacano miilonga jiiikaha.

1) Moshikundacana shika shotango oondjokana daapapuduki daamboka ja adika ja hokana nale ja ka kolekice oondjokana dauo papangelo paguanico ljoohapu dika dOmuaa guetu di li mu Mat. 19:4-6. Oshinima shika osha li she eta ekujunguto enene mongundu. Jamue oji ipe shili uusama koshipala sha Kalunga, noojakuauo oje eta po omaipopilo orendji, aniuu otaje ke shi ninga komeho, ihe ojo ja lombuelua: Ecimbohenda lja Kalunga nali longicue mbala. Sigo mpaka otu uvite omuntu ta pumbua shili „okupapuduka miinima ajihe.“ Uunjengui mbu nuumbanda uauo ekota ljauro oljo ndi, ohoole jokuhola Jesus inaji guanenena mutse, nomolua shoka elombuelo lja Jesus edigu kutse 1 Joh. 5:3 Ma 11:30. Joh. 14:15. 15:10.

Unene aasita naajehe je na ejakulo megongalo onaua nge taa ji mehokano ndika opo jaa ninge aafundji jaakuanegongalo moshinima shika.

2 Epapuduko otali taandele tuu? Aantu jomomagongalo ngaka oja jamukula epulo ndi pangundu ndatu; jamue ja ti olja suunkundi. Jamue ja ti ihuepo tuu. Jamue ja ti otali taandele, tashi ti mongundu otamu ja aapapuduki aape isheue niisheue.

Okangundu ka suunkundi oke si okupandulilua Kalunga, ke vule nkoka kuua na sha. Sho ke li po ke nondjulukue Omuaa ote ka koleke Mat. 12:20-21. Okangundu ke li ihuepo taka diginine nando itamu guedua Omuaa guegongalo ote ke ka lenga, Ehcl. 3:7-13 shaa itaka suanje. Gumue okua ti magongalo ljaan ljauro kehe omuedi aantu ctaa ja koshinjanga okuhempulula oondjo dauo. Shika oshiuanaua ibe inashi guana. Tala ko omukuetu tse aauambo katu na onduge dokulesha, no inatu shi putudilua, naambok je shi putudilua otaa pumbua okukala momambo oluindjilundji, onkee aantu mbaka otaa pumbua oshigongi shauo jene opo ja longue oshindji shoku ja koleka.

3 Ejakulacano miilonga jiiikaha. Pahapu dika dOmuaa 1 Joh.3:16-18. Jak. 2:14:-26 Hebr. 13:16 nopalua uo, otse tui idimbuluca isheue okutsikila nuuladi ejakulacano miilonga jiiikaha shi vule shito. Ejakulacano ndika oljo iilonga johole kali shi ondjambi aapapuduki ojo jene taa ji niipalua jao. Naku ningue uo omagalikano nomahambeledondjimbo, ashihe medina ljo-muaa Kol. 3:17. Ekuaco ndika oljo ku ajehe, unene kuua mboka je li hepa. Aasheki naahindadi ajeke itaa kuacua.

Kalunga tate na hamelelue sho e tu kuaca sigo ompaka, niilonga je taji tsiki-lua.

Itashi tu kuaca koshipala sha Kalunga ngele tua li tua papuduka nale, notue eca omatati golueendo lomuujelele. Rom. 13:11-14. Omuaa ta tala sigo ehulilo. Luk. 21:19, 36 Mat. 24:13. Epapuduko kali shi okuidilika omalovu ageke aue oljo okuijageka uuinaji kehe, nokukalela Kalunga Rom. 6 22 aapapuduki ojo aanandjo je vule aantw jalue.

Tatu mu halele omajambeko ga Kalunga ketu.

Omuilikishigongi

Vilho Kaulinge.

Omunjoli

J. Sam. Shikundaikukutu.

!?!?!?

Aalandici inamu dimbua ecigacano ljetu, noondjambi doka tadi ka gandjua.

**

SHITLANGU.

omuna guokombanda.

Lja njolua
ku
Andre de Cerc
na
Edoardo Mondlane

Lja lundululua
ku
Hosea Namupala,
Etsikilo.

(Ino vulua okulesha embo ndika lja Shitlangu. Oli na oshindji tashi ku kuaca.)

-Osho naanaa-
-Diladila ouala, ongulohi jimue okue ka cigi inee ka tula mondunda, pehale ljugumbo ongula sho kua shi kake po ue-
-Ompadi jomufuci omue ji mono?-
-Shoka osho tashi digupaleke oshinima ashihe. Eeno tua mono tuu oompadi, notu shi shi oda li doolje - ihe oja li aantu aanankondo. Oku na ontiko haji ada mboka taa ja etele uupjakadi.-

-Nena muujuni kamu na etokolo?-
-Ongoje ua zi nale musamane Ndjima, okutseja ondjambi ojini ondeveli nga ngame taji ka peua, ngele ji na uupjakadi pokati kajo nomukuluntu guoshilongo gumue! Ngashi, ngele pokati ketu na ngoje pue ja oontamanana, ito ka jaguma nando okuli okupitika ndje ndi fale oshinima kompa-
ngu-

-Kandi shiuo omoluashike itaashi ningua.-

Kalimba okua kuca isheue okahumba. e ka kujeja, nokua holoka a holole sha shoka tashi nu mangelula.

-Oho, musamane ndjima omuholike, shika osha pijagana unene. Oshihikomua shika osha fa naanaa osho shijaka sha li sha kana megumbo lja ngumueno jandje.-

-Oto diladila onde shi jaka?-
-Kako musamane Ndjima, kako! Ongame olje ndi lundie ngauo?-

-Ihe ashihe osha faacana, oto ningi efano ndjoka tali eta sha shuukilila. Ngele ito fatula naua, ohugunina oua eleka okulundila meholamo...-

-Musamane Ndjima, esimano ljoje itali pumbua okuipulua. Ha hugunina: Kandi shiuo olje e ku landica oshihikomua shika oshiuanaa - shika tandi inekele kutja cue shi futila omapeni ga guana...-

-Ihe onde shi ningi muene!-
-Pitika ndje ndaa zimine! Tala edidiliko ndi, okapambu hano okashona koshiti oshi kukutu. Oshi na edidiliko ihaali pukicua Edidiliko ndjoka ondi li shi. Oljo edidiliko ljomeholamo ljoshiguana sha ngumueno jandje.-

-Musamane Kalimba, ote diladila oua pendapala unene. Natu ladipale no natu tule ehulico komashendjo nga mokunua oshuma shomalovu. Oto shi ningi?-

-Nando okashona. Oto diladilile ndje ngiini ngele esiku oljo tuu ndika nda holola uujamba uezimo ljetu, e tandi u eca u pitilile po omolu okunua nokukolua? Otandi eta po okakonakono okashona. Ongoje oto hiki oshihikomua shika nauanaa ngashi to vulu opo ihe na ngame uo

otandi ka ulika nkene te vulu okuimba nokuhika ondjimbo ombuanaua.-

Osho Ndjima okua zimine ekonakono. Okua hiki.

Na otse atuhe otua imbi pamue, tua kondeka omulilo, eimbilo lja Ndjima.

Nena okalimba oka mono olufo luako pokahumba. Ihi Kalimba okamentu kiineja. Oka ningi iinima jiijolica:

Omuiimbi guoonote nokui iholola: -
Ku boka ku boke rrrrrr - osho oo' r da kakama kelaka lje.

Kalimba okua tala ku Ndjima nokua ti:

-Kape na omaludi! Okahumba nkaka okezimo ljangje. Okua li ecimbo - nale nale, nokuli! - sho nda li handi longica omasiku gelago ljo ljene ljokukalamuenjo kuandje tandi ka hiki.-

-Musamane Kalimba, ondi na oondunge oombuanaua oku ku teja ocingo! ongoje omufundja.-

-Tala Musamane Ndjima nkene ndi li mondjila. Ote vulu okuningila shike shuujinaji omunene guomuujuni? Ngele ando ndi pule epangulo, itaa pulakene ndje nando.-

-Otandi ku tindile epangulo? Ngele ua hala okufala oshishonanima shino kepangulo, inda nduno, itandi ku indike. Epangulo otali ka eta mbala ehulico kuugoja mbu.-

-Onaua ano, tu fale oshinima shetu koondunge domupanguli omunene Ndjimba.-

-O, onaua nee.-
Osho ja ji ja fa ongundu jookuume taji kundacana shika na shijaka mokuenda kuauo.

Oja pitikilua mepangulo, oja fatulula oshinima na Kalimba okua opaleke niineja okulandulicacana iinima opo mpoka aatamanani oja li ja pulua okuulika oondjimbo dauo nomukumo guauo.

Ndjima okua hiki tango. Otse atuhe notui imbi eimbilo lja Ndjima: - Ku buka ku buke haaaaa.-

-Ngashingeji olufo lua Kalimba:
-Ku boka ku boke rrrrrrrr!-

Epangulo olja hendua. Ondjamba oja hololelua: Momadiladilo gajo, Okalimba oka fa ke shi shi naua kutja okahumba okako. Ondjima oja li ji nokushuna kegumbo iikaha jouala, Osho omusamane Kalimba okua mono okahumba nokua kuca omatako kumue ngashi ta vulu.

Ihe....ihe konima ja shino ngele ondjima ja ada okalimba mondjila, itaji popi sha - otaji ka futica okahumba kajo moku ka teja ocingo.

Omuhokololi ngoka a hokolola, a holola nokua imbi oshininguanima shonakuhepa.

Tali tsikilua.



Ehokololo ndika euanaua ngiini!

OMEHO GA TAALELA JESUS

Hebr. 12:2

Elundululo.

Iitja itatu ajike, ihe omo moka mua holama oshiholekua ashihe shomuenjo.

„Omeho ga taalela Jesus“ mokulesha oBibeli, opo tui ilonge okutseja, oje olje, noje okua longo shike, oje ota gandja shike, noje ota pula shike kutse; opo onkalelo je ji ninge oshiholelua shetu, elongo lje li ninge omusinda tatu gu landula, ompango je ji ninge oveta jetu, omauvaneko ge ga ninge omukumo guetu; opo tse tu mone muje muene no moshi-longa she eguano alihe ljoompumbue adihe doomuenjo detu.

„Omeho ga taalela Jesus“ Omukulili, omuaalelua momushigakano opo mombinzi je ja tiluahi tse tu mone ekulilo, nedimopo ljoondjo nombili.

„Omeho ga taalela Jesus“, Omuaa ngoka a jumuka, opo tse tu mone muje ujuuki mbuka, ouo auke tau tu juukipalica, no tau tu pe ompito, tse aalunde aakueji tu kale tu nomukumo medina lje okuheda kuHe no ku Tate, ku Kalunga ke no ku Kalunga ketu.

„Omeho ga taalela Jesus“ Omuaa a adimicua no ngomujakuli guetu ngashingeji ta guanica esilohenda lje muene, no-shilonga shehupico ljetu, no te tu holokele koshipala sha Kalunga ngomusaseri omukuluntu guetu, no ngegandjelo lja jela, naluhe ota jelica omagandjelo getu omajapuki kuuinaji kehe.

„Omeho ga taalela Jesus“ Kristus a hololua kOmbepo Ondjapuki, opo moku-kuatacana naje oomuenjo detu da njata di jelicue, nomadiladilo getu ga nik'omilema ga minikilue, nehalo ljetu lja nik'ondumbo li ninge epe, opo tse tu uape okusinda omakondjo agehe guujuni no gomuinaji oonkondo dago sho tatu di kondjica noonkondo da Jesus, nomakoto gago sho tatu ga halakanica noonduge da Jesus - tse tu adike tua kolekua ku Jesus, ku nguka a makelua momamakelo agehe, ihe ina sindua nando ku limue ljomugo.

„Omeho ga taalela Jesus“, nguka ta gandja eitedululo nedimopo ljoondjo, opo tse tu peue esilohenda okudimbulula omajonagulo getu noku ga hempulula noku ga eca.

„Omeho ga taalela Jesus“, opo tse tu taambe kuje oshilonga shesiku kehe, nomushigakano, nisheue esilohenda tali tu guanicile oonkondo okuhumbata omushigakano nokutsakanica oshilonga shetu - tu kale tu neididimiko lja fa lje, tu longe, ngashi oje a li ta longo, tu kale tu nohoole ja fa ohoole je; tuua pule; Ngame otandi vulu okulonga shike?“ ihe tu pule: Ope na shike, oje ite shi vulu andola?“ tu tegelele oonkondo de doka tadi kala da guana muunkundi amuke.

„Omeho ga taalela Jesus“, opo tu mangu-luke mutse jene no tu idimbue tse jene omilema detu di kanduke muujelele uo-shipala she; enjanju ljetu opo li japulue, noluhodi luetu lu jelicue; oje opo a kale te tu fupipike, no te tu jambula; oje a kale te tu niki'oluhodi no te tu talaleke oje opo a kale te tu hulu muajihe, no te tu jambeke nuujamba; oje opo e tu longe okugalikana, naje a jamukule omagalikano getu; opo oje e tu joolole muujuni, nando te tu cigile muujuni, opo comuenjo detu di

pungulue pamue naje mu Kalunga, niilonga jetu ji kale taji mu hokolola montaneho jaantu.

„Omeho ga taalela Jesus“ ngoka a tembukile kegumbo lja Tate, moka te tu longele ehala, opo ecikilo ndika li nelaago li tu kuace mokutegelela, no li tu longekide tu uape okusa nombili, esiku ndjoka tu nokutsakaneka omutondi guetu guahugunina, nguka oje e mu tu sindile - eso ndjoka lja li nale omua guehaluco, ihe ngashingeji a ningi omutumua guelaago ljaaluhe.

„Omeho ga taalela Jesus“ nguka egaluko lje, nando esiku ljaljo inali tsejika, olja kala komapipi nomapipi etegelelo ljongerki jooitaali, ljongerki ndjoka taji kongo omukumo meididimiko no metonato no menjanju omediladilo ndjoka, Omua oku li popepi.

„Omeho ga taalela Jesus“ omutameki nomugvanici gueitaalo, nguka oje oshiholelua sheitaalo, nosho uo ocicija jaljo, ngashi ecikilo ljaljo uo, na nguka okuza konkati jotango sigo ku ndjoka ja hugunina ta tetekele oitaali je - eitaalo ljetu opo e li huameke, e li tse omukumo no e li koleke, no e li cikice meguaneneno ljokombanda.

„Omeho ga taalela Jesus“ oje tuu auike, ha palue, ngashi oshitja shomelaka ljoshigreka tashi holola noshitja shimue ashike, shono kashi shi kulundulua momalaka omakuauo, ngashi tashi tu pukulula oshita oku mu taalela nokupilamena ajilhe jilue.

Ku Jesus, ha kutse jene, ha komadiladilo getu, ha koondunge detu, ha kouino jetu, ha komatengeneko getu, ha komadimbululo getu, ha komategelelo getu, ha komahalelo getu. Ku Jesus, ha kuujuni, ha kuuhaiu uauo, ha koshiholelua shauo, ha komauco gauo, ha komapangulo gauo. Ku Jesus, ha ku satana, nando oje ne tu tilice noonkondo de, nenge ne tu heke nomapandulo ge. Onkene tu uape okujanda omapulo kage noshilonga, omalimbililo kage nombili, ekanico ljecimbo, omauvacano pamue nomutondi ihe ge noshiponga, eshunduko ljoonkondo detu domuenjo, omadiladilo omalulu, omakondjo ge nuuehame, nomapunduko omauinaji, ngele tu uape okukala nokuukica omeho getu ku Jesus, noku mu landula shaa mpoka te tu fala, nokuitonata shili tuua kanice epola ndjoka, oje e li tu fanekete, no tuua lengalenge nando lumue lua nkoka inaku mu opalela oku tu faalela ko.

Ku Jesus, ha melandulacano ljomalongo, nando li kale ngiini ljopavangeli. Eitaalo ndjoka tali hupica, no tali japula, no tali talaleke, li kale ljokuzimina elongo ljehupico, ihe oljo okuikuatelela ku Jesus. Inashi guana okutseja Jesus, aue, omuntu oku nokukala e mu na, na kape na ngoka ke mu na, ta vulu oku mu tseja nokuli. Pahapu domulongua ngoka Jesus kua li e mu hoole, omuenjo ogo uujelele nomuenjo nguka gu li mu Jesus.

Tali tsikilua.

Omuntu ita geelua omolu oshilonga she oshiuinaji, aue, ota geelua opo kaa longe ue oshikuauo.

Oshikololo shaagundjuka.



OKAMATI OFULE.

Nalenale mu Afrika muka iiguana ji ili no ji ili oja kondjicacana. Mua li mu nolugodi pokati kiiguana iitiligane uo. Esiku limue omukuluntu (offisier) gumue guaasindani a peua elaka a ka kuate omuuliki guaasindua ngoka a tsejika a li kaandjauo, kofarma je. Ihe sho a ciki ko, naakuiita je, okua ada ko okamati okashona komimvo 10, oko akeke. Omukuluntu guita e mu pula, a ti: „Omuene guegumbo oku li peni?“ Okamati oka jamukula, ka ti: „Kandi shiuo.“ Ihe ejamukulo ljako lja limbilike omukuluntu guita, oje no a jelekele okuciminika okamati ka holole shoka sha pulua. Kape nekuaco. Nayulua omukuluntu a ti: „Ondi noku ku jahica u se, ngoje ngele ito lombuele ndje shoka nda pula.“ Ihe okamati ka muena ashike. Nena omukuluntu a lombuele, okamati ka cikamekue pekuma, naakuiita naa jeluce oondjembo dauo ja kale ji ilongekida oku ka jaha, shaa tuu omukuluntu ta gandja edidiliko. Ajehe sho ja li ngaaka, okamati ka cikama pekuma naakuiita ji ilongekida, ohaluka jouala okamati ka jeluca oshikaha. Omukuluntu guita no a diladila, okamati ka hala okuholola shoka ka pulua. Ihe hasho. Okamati ka ti ashike: „Ngame nda tile kandi shi shi tate mpoka e li. Ihe nda fundju. Itandi vulu okuja koshipala sha Kalunga niifundja jandje. Ondi shi shi tate mpoka e li ihe itandi vulu, ngajinandi hala oku shi mu lombuela.“ Sho kue shi tja, okui iukica a tegelele a jahue. Ihe omukuluntu ina gandja elaka ka jahue, aue. Okua kuminua uufule ua monika moshipala shokamati neinekelo ljako okuinekela Kalunga, nokua kuata oshikaha shoka e ka faleke nokua ji naakuiita je.

OKANONA TONATA,
TILA: TIL'IFUNDJA.
OMAKOTO NJANJALA.
TILA, TIL'IFUNDJA.
UUPJAKADI NGE U NA,
DIGININ'OSHILI.
NENGE NGE TO DANA NGA,
DIGININ'OSHILI.

U SHI SHI TUU.

1. Iilongo jaaumbo ojini po?
2. Nande okua pangele peni?
3. Nangolo d'Amutenja openi?
4. Iijambo ileka openi?
5. Nuujoma lipumbu openi?
6. Oshilando shelelo shomu S. W. A. oshini.
7. Oshikoto okokutjanguni?
8. Aauambo jonale ja ka tala peni omvula.
9. Okakulukadi - kokutjangiini.
10. Iuengendje oshike no ja li haji zi peni

ETUMBUTUMBU.

Ku na oshitja shimue na O otashi tmeke, na O tashi hulile. Ohema mokutsilika uunima mbu to pumbua. U kuce p'O pehulilo, ondanda e u tule po, to peua shitja oshipe, tashi ti humo komitse, ongele to di long'ca. Ondanda ndjo isheue e na a u pingakanice, to peua shitja tashi ti nenjanju kaafa haka li iinima mbi- Na ngele a na u to pingakanica, omutse guonane gu li mpa U tseje ando iitja mbi to njanjukua, ngaj' ndi shi

ETSEJICILO.

OTATU GANDJA ONDJAMBI KUAAMBOKA JA JAMUKULA NAUA OMAJAMUKULO GUUKA GOOHAPU DIKA. ETUMBUTUMBU NOSHO UO DIKA OUSHISHITUU? ONDJAMBI TAJIKAGANDJUA KAANTU JA TATU AJEKE JOMONGUNDU JAA-MBOKA JA JAMUKULA OMAJAMUKULO GUUKA.

OMBOKA JA JAMUKULA NAUA NO TAA KA PEUA ONDJAMBI OMA-DINA GAUO OTAGA KA HOLOKA MOMUKUETU GUA APRIL.

NGELE TO TUMU OMAJAMUKULO GOJE NJOLA ALUHE MOMBAPILA KOMBINGA JOKOLULJO ETUMBUTUMBU NENGE OU SHISHITUU?

OMAJAMUKULO GE NOKUCIKA KON IPA PECIMBO LJA MAART. OMUKUETU.



Ejamukulo ljandje ando li kale lju uuka.

AALESHI TAA NJOLA

Omumvo gumue gua piti nokuli tandi lesa oshifo shOmukuetu, nonda kala ihe ndu uvite ombili, nondi noonkondo, nda tsua omukumo koohapu dOmukuetu nonde eca omikalo dandje omikulu, nonda tameke omikalo omipe. Ngashingeji, ndi igilile nokuli okulesha Omukuetu kehe omuedi.

Nikanor Watireni.
E. Hospital P.o. Box 14.
Keetmanshoop.
S.W.A.

EHUPIFO LA DINIKA.

Ovañu vopaini eshi tava tale ehupifo lomuenjo ove uete oudano, unene tuu ava va papuduka.

Pefimbo linja odula kua li itaji loko ovañu okui tava ti oholu ava va papuduka. Puilikina ne omuñu ta tongo ngaho ote shi torgele ne ljelje? Ote si tongele satana otesi satana oje ta longi muje haje muene te si longo. Rom. 7: 20. Rom. 8: 7, 8. Osho ne satana ta longifa ovañu vaje nopaike.

Ndele ne inatu sheka omepo ja Kalunga ei tai longi movana opo tu he li kongele etimba li henekufopo.

Omuene na longife natango omepo jaje nomeemuenjo da ava va kukuta.

R. G. Haluodi

EGULULILA MO OMUUA.

Omugundjuka omukuetu, pulakena eui l'jOmuua tali konkola poshele shomuenjo guoje. Omuaa a hala u kale ngashi esiku ndijeka sho ua papuduka.

Feno sigo orena Omuaa a hala omugundjuka a kale a tonata shili. oshoka omutendi a hala omuenjo guomuntu aluhe.

Tondokela kOmukulili manga ku necimbo. Kristus auike eliko l'jashili.

Petrus Shijagaja.

DAVID LIVINGSTONE.

Ndele ne paima aveshe tave mu fimaneke osheshi ve uudite oje endapa ou a kokola eendjila muAfrika evangeli li shiive okutandavela mo ndele oiuaa ji longue meendunge adishe opo ji shiive okujambuka. Oshilongua shomuñu keshe omukriste osho okuudififa evangeli ndele ne vaali okukuafa omupika a manguluke ndele a ehene kome-sho ou ina longua naale. Eembinga edi adishe mbali dokomuenjo no dokolutu, di nokukuatela kumue moshilonga shetumo.

David Livingstone kue lijandjela Kalunga noiuaa ei ja laula jomuAfrika. Okue li va fiaule ndele kua longa no kua ilikana ngashi Luther kua longo.

Okua fila popepi netale Tanganjika mefiku lotete la Mai momudo 1873. Oko tuu a hangika ongula jefiku olo monduda jaje a tuaengolo poñala jaje a fja. Ovalaule venja ve muhoole neengono va vaeka omudimba uaje nomiti di lili no di lili u ha oole ndele ve mu tuala kombaje jokomuñgulo noskepa je mu tuala ku London. Oko a fudikua mongereka ja Westminster Abbey.

Oui njolica nokuli mOMUKUETU?

OIKOLUIFA OJO OUDIJO.

Efiku limue omuku'ukadi umue okua nua neengono no kua kolua unene, noje a li e na okaana ka nini noufiku eshi ueuja okua kanangala monduda ja je. Onge okua nangala kombada jokaana kaje, je ine shi shiya omoluoukolui. Hano ongula eshi kuasha oje okua penduka a tale ngaho okana kaje oka kukuta kafja nale. Hano opa pita ashike efiku limue omumati umue oje okua nua vali neengono, nokua kolua unene noje eliundulila mondjuo jomualikadi uovañu ehefi uaje, nomulumeñu uo mualikadi ou ina hangika mo. Onghe hano konima omulumeñu ou okueja noje a hanga monduda jaje muna omulumeñu ou a kolua noje e, mu tua nombele hano omulumeñu uinja okua faduka po nongula eshi kua sha okua fja. Onge hano eshi ta pulua keshiipo apa a tuilua nauu, e mu tua ke mu shi naa shi a ninga ke shi shi omoluoukolui.

Heeno ofje ovanjasha ohatu njengua okuja mo moshilongo shomeulu omoluoukolui uetu. Lesha Eps. 119: 9 Tala omukuetu efimbo otali fikana nola fika nokuli ndele puilikina eshi taku tiua: Pondje opaidililua eengolui novakangi voudijo novahaeli naava hava ua nifa oinima jounjuni ou. Moshilongo sha Kalunga itava makele mo.

Vakuetu natu li kotokeleni tuhahangike moukolui efiku nge tali ja.

Abraham Jakob Windhoek.

ANDO NDA LIKA KEJOKA

Esiku limue otua ka tjaja iikuni nomuhona guandje. Sho tua ciki pokuti otua heluka tu tjaje iikuni. Onda mono po olukuni lumue lu nomajula ihe ondu uvu tamu ti: Shuii, shuii, onda li ndi shi okapuka kouala, onda tala naua nonda mono ejoka l'jiijala lja longekida okukomona ndje. Onda tola emanja nonde li dipaga.

Omukuetu muujuni omu na ejoka ndjoka tali li aantu olo tuu satana. Ejoka ndjoka ngele tali l'jana ihali monika. Ohali hekele aantu muugoja ohaluka jouala ua kulukile melambo.

Okulandula uutoje u uujuni nokudana nuulunde cigo omuntu ota ningine mo muuo, no ita dimbulula ondjila jini te ende. Tu jeni ano komugameni neinekelo tse tu tje: „Ila Omuaa Jesus otatu ningine menono l'juulunde.“

David Aron
Windhoek.

EGAMENO LJA KALUNGA.

Etihamano limue manga nda li tandi opaleke megumbo onda li ndi nokanona komumvo gumue hoka inaaka joolola uuinaji nuuanaua. Manga tu li kondunda nani okanona oka mono sha oshiuana noka fala ko oshikaha shako ke shi kuate. Okanona oka li ka njanjukua noonkondo onde ka tala e tandi ipula oshike mbela? Shono nda ka jeluca tuu omeho okanona oke na ejoka moshikaha. Iihuna jouala! Nokutila nokukakama onda kuca po okanona. Onda li nda lila, oshoka onda diladila pamue oka lika itaka vulu ouala pamue okupopja Kalunga okua li a gamene no inaka lika.

Tu didilike omukuetu kehe pokuma tu li po, ope na iponga ojindji. Ihe omugameni opo e li putse esiku kehe. Ino tila. No manga u li kombanda jevi, ou na omugameni nando ku mu luete, ote ku gamene.

Albertina Job.

EZIMO LJOJE OLINI?

Ua dimbulula tuu kutja omukueni nezimo ljoje oJesus? Oua dimbulula tuu kutja uujuni mbuka u li mo ouo efundja.

Efundja ngiika to ti euanaua, eeno euanaua oshoka ohali eta oohi ihe kombinga ohali eta omajoka noombanda hadi tsu aantu. Nuujuni osho u li uo. Onkene diginina edimopo ljoondjo ue li peua osigo iinakuguanicua taji ka guanicua. Didilika uujuni otatu ku eca e to guile po meso ljaaluhe.

Justus Nainto
Tsumeb.

UUN TSA.

Uuntsa tau adika nomaagundjuka uo aauambo. Aagundjuka oluindji ngele tatu ji komambo ihatu ji tu ka pulakene, ihe otu ka tale, hasho? Aakadona taa tala aamaci naamati taa tala aakadona. Hatu kala konima jiihua nojomiti tua tegelela elongelokalunga li pite mo opo tu holoke, na ajehe mboka ja ji mo tango opo je tu mone ja tje: Nima oadengelele, omizalo de da hanja.

Aue oojakuetu otua pukeni sho hatu ningeni ngeji. Okukala kuetueni kombanda jevi okufupi. Nando ou kale to ti: Evi otii ku l'jata, navi otali ti otii ku tula kolii joluma. Eso aluhe otii li momuzizimba guoje ngashi ho gu mono. Shono tui icela naijo otali icela konima joje tali ku njankele.

Ecimbotenda tali hulu po, nena otatu ka kala pondje ngashi tua li hatu kala tua teja oambo ga pita. Hujaka tuu ka lombuelua kandi mu shi.

Aakadona omilondoka deni doohulu-kueja hamano kolutu ku kotokeleni.

Omuaa ne tu pe shili omeho gomeni opo tu dimbulule no tu eketeheni iinima iikulu no inaji opalacana nehalo l'jOmushiti guetu.

Omuaa ne tu kuace.

J. M. Nashandi.

OMAKUMAGIDO.

Egulu nevi otali hulu ihe oohapu da Kalunga itadi hulu po onkene tu ikoleloleni mudo.

Sospater Mateus.
Abenabe.

Omuaa ote ke tu pula okukala kuetu kombanda jevi, onkene tu ku longiceni naua.

Akisel Shivute.
Swakopmund.

Tu ilandeleni omatati gokukondjica omutondi satana oshoka a uluma okulonga ngashingeji.

José Shaningua.
Swakopmud.

Epata la Kalunga oli shivike koujuuki ou hau longua mu lo, nola satana okoui ou hau longua mu lo.

Abraham Jakob.
Windhoek.

Tu ijogeni mombinzi j'Omukulili tuaa adike tua kakanjua kuulunde.

N. Sakeus.
Kaaipstad.